

'Sëédhe =plε -naa 'ö

2 Piedhö

-ya -kë

1 ¹Mang Simo Piedhö -me 'a -kë Yesu Klisi -bha bome 'ka, 'a -ya mü 'zü 'a -kë 'yi -do -a -ko -bha -me 'ka bha ma -në 'a 'sëédhe ya- bɔ, me 'pepe 'ka bɔ- 'ka, 'ö kweng- -nu kwa -bha 'dhang bho -a "dhiü -sü =bhlëë 'dhö =dhe 'ko 'dhö, kwa -bha Atanna kwa Dhame Yesu Klisi 'ö 'yaa bɔ me 'ka =flü -wɔn 'gü bha- 'saa- 'gü bha ka -dhe. ²Kö Atanna -yö ö -bha -gasite waa- -bha zuëyagblü- 'ö- -kë 'me 'wo waa- ö Gbö Yesu 'ö kwa Dëme 'ka bha- -nu do -a -nu -dhe bha- kë ka -dhe, kö -ya 'bha -da 'gü -kpeawo bha 'aa -yö kë.

**"Ta -ko 'ö Atanna -bha zian -ta -a -gɔ -gɔ -nu
'ö- -ta -a -dhiang 'ö Piedhö -ya zë**

³Faan 'ö go Atanna 'piü 'ö Yesu Klisi -gɔ bha -në pë 'pepe 'ö kwa -mawɔn -yö zun- -bha, -kwa -bha -kplü -a -bha -sü 'gü -a nu kwa -dhe, kë "dhü kö 'kwa -da 'ka dha -zian 'ö- dhɔɔbhaa -zian 'ka bha- -ta. Yesu Klisi bha -në Atanna do 'ö kwa -dhe ö -bha 'tɔbhɔdhe waa- -bha "klusëdhe -bha bha- -zɔn kwa -dhe, 'yö -kë dha -zian "dhi -pu kwa -gɔ -ko 'ka. ⁴Wɔn 'ö- -wɔn 'gü 'yö 'wɔn -së =bhlëësü -nu 'ö- -zɔn 'ka 'yaa 'dhö -a "plüün "gblügblü =dede bho kwa -dhe bha 'yö bha. Kë "dhü kö 'wɔn -nu 'ö- "plüün bho kwa -dhe bha =yaa- kë ka -dhe, kö 'ka =dua 'wɔn yaya -nu 'wo me 'gü -në -see "kpong ya- -taa bha- -gɔ kö 'ka bho Atanna -bha. ⁵-A -kë "dhü -sü bha- 'gü, -ka ka 'gü do 'gbu- kö ka 'ta -ko -yö dhi ka -bha -zu -yö Atanna -dhe -sü bha- 'gü, kö 'wɔndɔdhe -yö kë ka -gɔ -a -ta. ⁶=Ya 'go yö -zë 'gü, kö 'ka ka 'gü do 'gbu- kö -ko -mɔɔ -di -bha -sü -yö kë ka -gɔ 'wɔndɔdhe bha- -ta, kö zuëseadhe -yö kë- "piü, kö 'ka 'to -kplü -sü 'ka Atanna -bha. ⁷=Ya 'go mü kö ka -bha -kplü -a -bha -sü bha ka -ko -yö kë ka 'ko =kweng -a -ta -dhe dheebhangzë -nu 'dhö, kö -dho -yö kë ka 'gü. ⁸=Sɔng -nu bha -në- -dhe

'dhö- -bha -dhe -yö kē ka -bha, -ya kē -dhe wo -zē -wa kē ka -bha -dhe -kō 'a- pō- 'ka bha- 'dhö, kō- 'bha -nē -yö -da 'gü -kpeawo -yö 'dho- 'ka, -yö -dho -a -bha yē kē -sü -peng dō ka -ta, 'ö 'ka kwa Dēme Yesu Klisi dō 'kpakpadhō -a -wōn 'gü. ⁹'Kee =sōng 'dhe 'kō bha 'yaa 'me 'kō- -bha, kō- -me =teni -dhe 'yangütiime 'dhö, kō 'yaa -dhe yō =gbleen, kō- -zu =ya bho 'pō -dhe 'wōn yaa -nu 'ö- -kē -bleesü bha -ya 'go- -bha 'nu, =ya kē 'slüüslü.

¹⁰-A -kē "dhü -sü bha- 'gü, n dheebhang -nu, -ka ka 'gü dō "gbu- =dedewo kō ka -dhe 'ö Atanna -ya wo 'ö ka -ya ö -bha -ya 'gü kō 'ka kē ö dhōbhaame 'ka bha 'ka 'to -kplü -sü 'ka- -bha. -A pō 'a- wo "dhü bha- 'klō- -mü -dhe =ya kē -dhe 'ka- kē siē "dhü, ka -kō 'yii 'dho -da 'wōn yaa 'gü tongtongdhö. ¹¹'Sa 'ka- kē "dhü =naa 'yö dho zian 'ö dho kwa Dēme, kwa Dhame Yesu Klisi -bha -gblüeddhēpō 'gü bha- "dhiü -pu ka -gō 'gbea 'ka, 'yö 'ka -da -bha me -dhe 'ö 'yaa yēn tongtongdhö bha- 'gü.

¹²'Wōn 'ö- -wōn 'gü 'yö 'a dho ka -zu -bō 'wōn -nu bha- 'ka yi =gban "pepe 'ka bha 'yö bha. 'Yaa "dhü, a- 'wōn -dō 'kpakpadhō =dhe ka- -dō 'nu -bleesü, =dhe ka yun -zian =ya ziö kpenngkpenngdhö teanwōn 'ö "dhü, 'ö 'ka 'dhang bho- 'dhiü bha- 'gü, "kee yō -zē =gban 'gü a -dho ka -zu -bō 'ka -kpeawo.

¹³-A -gen -mü -dhe 'yaa n "piü =dhe "tūng 'dhe 'kō 'a -tun 'ka "yaan, 'ö 'a -tun kō n "yan zē- 'ka ya ka -zu -yö bho 'wōn bha- 'ka. 'Wōn 'ö- -wōn 'gü 'yö- -dhiang 'yii 'dho 'go n "dhi 'ö to "dhü 'a ga bha 'yö bha. ¹⁴-A -gen -mü -dhe n ga "tūng 'yaa =gbleen 'zü =dhe -kō 'ö kwa Dēme Yesu Klisi -ya -zōn 'ka n -dhe -a 'dhö. ¹⁵-A kē "dhü -sü bha- 'gü, a -dho pē =gban "pepe suu 'dō 'dō kē, kē "dhü kō 'ma 'dho yi 'ö- 'ka, kō ka -zu -yö -bō 'wōn -nu bha- -nu 'ka "tūng =gban -tūng =gban 'gü. 'Wōn 'ö- -wōn 'gü 'yö 'a 'sēedhe ya- -ben zē siē ka -dhe bha 'yö bha.

'Me 'wo Klisi -bha medhe 'bhü yō -a -nu -dhiang 'ö Piedhō -ya zē

¹⁶-A pō 'a- wo "dhü bha- 'klō- -mü -dhe kwa Dēme Yesu Klisi -bha 'gügbudhe waa- nu -sü -dhiang 'yi- zē ka -dhe bha, 'yii- zē -dhe -kō 'ö =wa 'yaanu -siē -nu wo, 'wo wo -zu gōn 'wo 'wōn -nu zun 'ko "dhiü 'ö -kē -kwezlan 'neene 'nē -nu 'ka 'wo- bho bha- 'dhö, "kee 'wōn 'ö yii -dede yi "yan -yö -da 'gü -nē 'yi- -dhiang zē. ¹⁷Yi 'ö kwa Dē Atanna -yö 'tōbhōdhe waa- =bhlēē 'kpīi- nu- 'ka- -dhe bha yi -gun mü. Atanna -yö dhiang -zē 'yi bha -nē- 'ka 'yö- pō: «'Me 'ö ya, n Gbō (do) 'ö n -gō =nē bha, -a -dho 'ö n -kē -a "sinma 'yaa 'dhö.» ¹⁸Yii =dede yi "tv- -da -wu 'ö go dhang- 'gü "dhü bha- 'gü kō yi Atanna -bha -tōn 'ö ('wōn 'ö "dhü bha 'ö -kē =gbin-) bha- =gbin-.

¹⁹-Wu "pepe 'ö- -wudhiüloome -nu gun- pō siē yi 'bha 'ka Izraedhō -me -nu -dhe bha yi kē 'dhang -bho "dhiü 'kpakpadhō 'pō 'yi bha -nē- 'ka. -A -kē "dhü -sü bha- 'gü, =ya kē -dhe 'ka 'dhang bho- -nu -wu bha- "dhiü, kō 'ka -gasite kē ka -dī =nē- -dhe. -A 'klō- -mü -dhe -wu bha -yö =dhe -dhangbha 'ö dō -sü 'ka -dhetiidhe 'gü =nē- 'dhö. -A 'bhü- -dho 'to dō -sü 'ka "dhü 'ö to- 'ka "dhü 'ö -dhe -yö =kpaō -sü zü bho, 'yö Yesu Klisi 'ö Atanna

-bha 'gödhuu 'ka bha -ya -wo yi 'ö- 'ka, 'yö -dhe -pu ka zuë" "piü, 'yö 'ka 'wɔn bha- 'gü -kpea ma do. ²⁰"Kεε -a -dhea -bha -kö -blæesü -dhe -yö kē ka "yaa -dhe mē 'bha -mē 'bha -kɔ 'yaa -mɔɔ- -bha kö -yö -wu 'ö Atanna -wudhiüloome -nu -wa pö 'ö -bɛn zē -sü 'ka -a -wu 'gü bha- 'klɔɔ- pö -kɔ 'ö -dhi -dhe -a 'gü (kö 'yii kē- -bha 'Nii- "slüüslü -zē faan 'ka). ²¹-A 'klɔɔ- mü -dhe -a -wu "pɛpɛ 'wo- "dhiü -loo bha mē 'bha 'yii- bho ö -dɪ 'gü do tongtongdhö, "kεε -a -bha 'Nii- "slüüslü -nē zun- -nu -dhe "dhiü 'yö 'wo- -bha naɔ dɔ- faan 'ka.

'Me 'wo Atanna -bha yē -kē -sua 'ka -a -nu -dhiang 'ö Piedhō -ya zē
(Zudē 1,4-13)

2 ¹'Ö gun yi 'bha 'ka, Atanna -wu "dhiü -loo -flü 'ka -mē -nu -gun Izraedhō -mē -nu kpö 'gü, -flümē -nu 'wo mē -nu -klang -kē -sua-sua 'ka bha -wo -dho -da ka kpö 'gü 'pö -kɔ do bha- 'gü -dεε. -Wo -dho nu Atanna -dhɔkē -kɔ "wεε 'ö mē wē -nē- bho- -ta, 'ö mē 'gü -nē -see bha- 'ka ka kpö 'gü 'yö 'wo wo -taa yö- -nu Dēme 'ö- -nu dha bha yö -zē -gɔ, 'yö 'wo 'wɔn 'ö dho wɔ- -nu -ta gbluu" dhö -a -nu tii' 'ka bha -nē- -gan wo -dɪ -ta. ²Mē 'gbe -dede -dho ziö- -nu -keng- 'ö 'wo wē dɔ- -nu 'ka 'wɔn "bhluubhlu kē -zian -ta. Mē -nu -dho 'dhang -bho Atanna "dhiü -sü 'ö yö -nē teanwɔn 'ka bha- -dhiang yaa zē -a -nu "ta -kɔ -nē- -wɔn 'gü. ³Mē 'wo "dhü bha -wo -dho zē -naɔ -wɔn -dhe 'ö 'wo -suasua -nu zun 'ko "dhiü kē "dhü kö 'wo ka -ta -bhö. "Kεε -a -nu -bha zadɔme -bha -ya za -dɔ -a -nu -bha -dho 'ka -yi -ya -gwēē. -A -nu 'güseeme bha 'yaa yi zē.

⁴-A pö 'a- wo "dhü bha- 'klɔɔ- -mü -dhe -kɔ do 'ö Atanna 'yii ö -bha "kiē -nu 'wo -da "dhiü yi 'bha 'ka bha- -nu -mawɔn 'to- 'ka, 'ö- -nu -lö lɔɔ" 'ka kpenngkpenngdhö, 'ö- -nu -zuö -klɔng züziö-sü 'gü 'ö 'wo -ya -sü 'ka zadɔyi -gɔ, ⁵'ö 'yii 'mē 'wo gun "kpuŋg -taa Noe -bha "tüng 'gü -a -nu -mawɔn 'to, 'ö "yi pa 'wɔnyaakēme -nu bha- -nu -bha, 'ö Noe 'ö -kē Atanna -bha zian 'ö pö 'aa- -bha bha- -zɔn mē -nu -dhe -mē 'ka bha waa- mē "saɔplɛ "gbeng -nē 'wo -kē dhame 'ka, ⁶'ö 'yii Sodɔmō waa- Gomɔɔ -pö -nu -mawɔn 'to 'pö, 'ö- -nu -pia kē "dhü kö 'ö 'wɔn 'ö -ya -sü 'ka 'wɔnyaakēme -nu -gɔ -a "blɛen- -zɔn -nu -dhe, ⁷'ö Dhɔtö 'ö gun "klusēme 'ka 'mē 'wo bha- -nu kpö 'gü, 'ö 'mē 'wo bha- -nu kē -sɔng yaa -nu gun- wē 'gü -siö siē -kpeawo bha yöö do -nē dha bha, ('yii 'dho- -nu -mawɔn 'to 'pö) -kɔ do bha- 'gü. ⁸Dhɔtö bha zuëga -sē -gun "gblüö-, yö 'mē 'wo bha Atanna -bha 'tɔng- bho 'wo gun- wo siē "bin ma -dhekpɔɔ bha- 'yan 'dhö gun- -dhe 'gü, 'yö- "tv 'dhö- -dhiang -nu ma, "kεε gun 'ö yö -zē 'ö- wo 'wɔnsékēme 'ka bha- zuë" "dhiü- -gun "tεε siē -kpeakpeawo 'mē 'wo bha- -nu bhɔ -kɔ yaa -nu bha- -wɔn 'gü. ⁹-A -kē "dhü -sü bha- 'gü, Atanna bha mē "pɛpɛ 'wo -kplü -sü 'ka- -bha bha -ya -nu -bho 'wɔn "gbu- -gɔ -kɔ -dɔ, 'ö 'wɔnyaakēme -nu -dɔ bhiē" "dhiü -kɔ dɔ, kö 'ya- -nu zē za 'ka yi 'ö- 'ka kö 'ö 'wɔn bho- -nu 'gü. ¹⁰"Kεε 'mē 'wo -tosea -kē wo -dɪ -nii -bha 'ö "sika 'yaa ke- -nu 'gü 'wɔn "bhluubhlu kē -sü 'gü, 'ö

'wo Atanna -bha -gblüädèdhe -wɔn -da -bhaa 'gü bha, -yö -dho 'wɔn bho wo -nè- -nu 'gü 'kpiisü.

Mε -klang -kè -sua 'ka -mε -nu 'wo "dhü bha 'waa mε 'bha yö- 'gü, -a -nu -bha 'ö -dhi -nu -dhe =nè 'wo- pö, 'yö 'waa 'suü 'gügbudhe -pè -nu -zian 'wo dhang- 'gü -a -nu -gɔ, 'yö 'wo- -nu -dhiang yaa zè. ¹¹"kεε kö Atanna -bha "kiè -nu -zian 'kö wo -zè faan 'dhö- -nu 'gü 'ö- -nu 'gü 'dhö "gbu- 'ö -ziö mε -klang -kè -sua 'ka -mε -nu kö 'wo bha- -nu -ta bha, 'waa =mɔɔ- -bha kö -wo 'gügbudhe -pè -nu bha- -nu -dhiang yaa zè Atanna -kuu "dhiü kö -wa 'dho- -nu -da -dhe 'gü -a -dhe. ¹²"Kεε 'mε 'wo "dhü bha -wo -dhe "bü -wü -nu 'ö- -nu 'yaaki 'yaa 'dhö bha =nè- 'dhö, yö =nè- -wɔn 'gü 'yö 'wo 'si bho 'pè 'waa dɔ -a -gɔ "dhü bha. -A -wɔn 'gü, -kɔ do 'ö Atanna -yö wü -nu -da 'ka kö -wa -nu 'kun -wa -nu zè =nè- wo bha, -a -nu -gɔ -dho 'to 'pö- -nu këwɔn -bha -kɔ do bha =nè- 'gü. ¹³-Kɔ do 'wo 'wɔn yaa -kè 'ka bha =nè Atanna dho- "pɔ bho- 'ka- -nu -gɔ 'pö. 'Wɔn yaa -kè 'yènn- 'gbu- 'gü -sü -dhe mε- dɔ gbeng bha =nè- -nu -dhidhewɔn 'ka, keng- -nu ka -bha -dhiè -kè "kwèè -sü bha -yö 'yiü- -sü, -yö -dhi =nè- ma Atanna -bha mε -nu -bha. -A -gen -mü -dhe kö -wo wo "dhia =nè bho siè =flü -pè -bhö ka -gɔ -sü "dhiü bha. ¹⁴-Zua zè -yan "tεen =dede =nè- -nu -gɔ -bha, 'wɔn yaa -san 'yaa zun- -nu 'gü tongtongdhö. 'Mε 'ö- -nu -zu 'yii -gban -kö Atanna -bha zian -ta bha =nè 'wo- -nu =mɔɔ kö 'wo -da -a -nu -gɔ 'gü kö 'wo- -nu -gɔ 'gü see-, kö 'wo- -nu -da pè =kwεε -wu "nεεεε -nu 'ka, woo- do bha -wo =naɔ mɔɔ- -sü -bha =dhuèng 'ka. 'Wɔn 'ö- -wɔn 'gü 'yö Atanna -bha "dhang dho- -nu 'kun bha 'yö bha. ¹⁵-A 'klɔɔ- -mü -dhe =wa "kan tεan- -zian -bha =wa -da "bü, zian 'ö Atanna -wudhiüloome Badhaamö, Beɔɔ gbö -ya sü 'yi 'bha 'ka, 'ö zè =naɔ -wɔn -dhe 'ö 'wɔn yaa -ga =ni, 'ö- -kè bha =nè =waa- 'sü. ¹⁶"Kεε -a kè 'ö Badhaamö -ya wo "dhü bha 'yii -fiè- 'gü. -A 'klɔɔ- -mü -dhe -a kè 'ö- wo "dhü bha =nè- -wɔn 'gü 'yö Atanna -ya bho- "yan 'gü, 'yö =soofèng -yö dhiang zè- -dhe =dhe mε "bhu- 'dhö, kè "dhü kö slaadhe -wɔn 'ö gun- kè siè bha -yö 'ö bo- 'ka.

¹⁷Mε -klang -kè -sua 'ka -mε -nu bha -wo -dhe "yi -gɔ 'ö -ya "bhüü, "εen dha 'kpong- 'ö "tεε -ya -pen 'ö- bho dhang- -bha bha =nè- 'dhö. -Dhetiidhe 'ö- 'gü- -tröö 'sènsèndhö bha =nè Atanna 'dhö- -ya -sü 'ka- -nu saan 'ka. ¹⁸-Wo mε -nu "dhiü -dɔ pè -dhe "plüün 'gü "fiè "gblögblü -nu 'wo- bho "dhi "gbu- -dhe bha glaa" glaadhö bha =nè- -bha, 'yö 'wo 'mε 'wo go -dheng -zian -ta -dee 'gü 'wo -da Atanna -bha zian -ta bha- -nu -zian -kè 'wo- pö 'wɔn "bhluubhlu -nu 'wo- -kè -dhe -zua zè -sü -nu 'dhö bha yö -zè 'yaa 'wɔn 'bha 'ka. ¹⁹'Yö 'wo -ya -dɪ 'flèè- 'gü -sü "plüün bho- -nu -dhe "kεε 'sa kö wo -zè 'wɔn yaa 'ö mε "dhiü dɔ ga -dhe bha- kè -sü -ya kè- -nu 'tuü- 'ka, 'sa kö pè 'dhe kö- -kɔ =ya ziö i -gɔ kö 'bha kè- -pè -bha =dhuèng 'ka =naa bha. ²⁰Pè "pεpε 'a- pö "dhü bha- 'klɔɔ- -mü -dhe kö mε "vυ mε 'ö -yö bo kwa Dεmε kwa Dhame Yesu Klisi dɔ -sü 'ka, kö- -mε -yö 'ö bo 'wɔn "bhluubhlu -nu kè -sü 'ka, kö- mε -yö 'ö yee kè 'zü -deewo -yö -da 'wɔn -nu bha- kè -sü

'gü, kö -yö 'dho 'zü -yö kē- -bha -dhuëng 'ka, -a -mē -bha -tosea 'dhe 'ö to -taama bha -yö -kē -wëesü 'ö -ziö 'ka -a -bleesü 'ö -kē kö 'yii Klisi dō -kö bha- -ta. ²¹-A -mē -nu -todhüsü 'ö -zianwo 'nu kö 'wa 'dho Atanna -bha zian 'ö pö 'aa- -bha bha- dō -sü fiē- -dhö, -a dō -sü kö -wo 'dho -wo "kan- -wu 'wo- dō bha- -bha -sü -bha. ²²'Sa =ya kē "dhü kö "gwënnng 'wo- -da 'wo- pö -dhe: «-Pɪ 'ö 'gben- -ya wo bha =ya -ya 'zü mü =ya nu =yaa- -bhö, 'yö -bhö -dhee 'ö =wa gun =waa- "zu bha =ya nu 'zü -deewo =ya ziö böö- 'ka» bha 'yaa -sua 'ka.

Kwa Dëme nu -kō -plē -naa -dhiang 'ö Piedhō -ya zë

3 ¹N dhōbhaame -nu, 'ma 'sëédhe bo ka -dhe -a =plē -naa =ne. "Kee 'sëédhe =plē 'a- bō "dhü bha- 'bha 'klō- 'yaa 'wōn "wëe 'ka. A- -kē "dhü kö teanwōn 'ö go Atanna 'piü bha =nē 'ya 'dho 'go ka 'yaan, "këe kö 'ka- dō 'kpakpadhō. ²Kē "dhü kö 'wōn 'ö- -wudhiüloomē -nu -wa to "dhiü 'wo- pö yi 'bha 'ka bha waa- kwa Dëme, kwa Dhame -bha 'tōng- -nu 'ö- -bha bōmē -nu 'wo ka =klang -kē 'ka bha =nē ka -zū 'ya 'dho bhō- 'ka tongtongdhō. ³"Kee 'wōn -bleblesü 'ö n "piü -dhe -yö 'to ka 'yaan yō -mü -dhe "tūng -taamasü 'gü, =wëe -dō Atanna -wōn -bha -mē -nu -dho kē 'gbe, 'ö 'waa wo "tu kē -a -wu -bha, "këe 'ö 'wo woo- -tosea -kē wo -dī =nii =nē- -bha. -Wo -dho =wëe dō ka -bha ⁴'wo- pö: «Ka Dhame bha 'yii- pö -dhe 'ya 'dho 'ö -dho 'ö yee kē 'ö nu -ee? -Yö 'mē =tōn? 'Ö go kwa "bhema -nu 'ö =wa ga 'nu yi 'bha 'ka bha- -nu -kwe -ta, 'ö nu 'ö zun- 'ka =dëe -bha, -kō do 'ö Atanna -yö "kpungtaadhe -da 'ka 'yö- -bha, -a 'bha 'yii 'go "gblü do.» ⁵"Kee -a "dhiü =nē 'wo- =wli- -bha kö- -nu -zū bhō -dhe "së waa- dhang- 'ö Atanna -ya -da yi 'bha 'ka bha -ya -da 'ö -wu =nē- 'ka, 'yö "së sü 'yi -bhaa 'yö dho 'yö- -pē -kē 'yi 'ka. ⁶=Dhe "kpungtaadhe 'gü 'ö Atanna -ya -sëe 'zü yi 'bha 'ka bha -ya -sëe 'yi do bha =nē- 'ka, "yi do bha =nē pa. ⁷=Dhe "së waa- dhang- 'dhe 'wo =dëe -yën ya- 'gü ya -wo -tosea kē sië Atanna -wu do bha =nē- -bha kö -wo kē peng "kōng 'ka yi 'bha 'ka. -Wo -ya -sü 'ka yi 'ö Atanna -ya -ya kö -yö za dō- 'ka 'wōnyaakëme -nu -bha kö -ya -nu 'gü see- bha =nē- -gō. (-A 'dhe 'ö mē "bhü- -nu -zū bhō- 'ka 'yö bha).

⁸"Kee -a -gō do -ya 'gü 'ö dho 'to ka 'yaan n dhōbhaame -nu, yō -mü -dhe -dhekpaayi do ziö -sü -yö kwa Dëme -zë -gō -dhe -kwe "gblü do 'dhö, 'yö -kwe "gblü do ziö -sü 'dhö -dhe 'pö -dhe -dhekpaayi do 'dhö. ⁹-A -wōn 'gü, 'ya 'dho kē ka 'gü -dhe kwa Dëme -yö 'ö -bha nu -sü kö -yö za dō mē -bha 'ö- "plüün bho bha- -da =nē wo sië =taama -kpeakpawo 'ö dho- 'ka -dhe -kō 'ö mē 'bha -nu 'wo wo -zū 'gōn sië- 'ka -a 'dhö. "Kee -yö 'ö zuë" =nē- kē sië -sëe ka 'piü, -a -gen -mü -dhe 'yaa- "piü =nē- wo -dhe mē 'bha -mē 'bha 'gü -yö see-. 'Wōn 'ö- 'gü -së, yō -mü -dhe kö mē "pëpë =gban -wo "tung =slō kö -wo "kan 'wōn yaa -bha kö -wo wo wë bō Atanna -ta.

¹⁰"Kee yō -zë =gban 'gü, kwa Dëme Yesu nu -yi bha -yö -dho -wo -dhe -kwaanme 'ö nu -a 'dhö, 'yii dho yi 'kpō. Dhang- -nu -dho =dhang 'yi bha

-nè- 'ka 'yö- vin -yö "suü -da me -gban 'gü, 'yö pè -nu 'wo mü bha peng -ya -gban -bhö "pɛɛpɛdhö, 'yö "se waa- pè "pɛɛ 'wo- -ta -a -nu "dhiü -yö to. ¹¹ Dhe 'ö -kè -dhe pè -gban "pɛɛ 'gü- -dho see- -kɔ bha -nè- 'gü, kò ka "ta -kɔ -zè -yö -dho kè ka "yaan. (-Ka ka -zu 'to ka -dɪ 'gü, -a -gɛn -mü -dhe) -a -dhea -bha -dhe 'ka 'to -kplü -sü 'ka Atanna -bha, kò pò 'a 'dho kè ka "ta -kɔ -bha, ¹² kò -yö 'to- 'ka "dhü -yö zun- 'ka yi 'ö Atanna -zu "piü bha- -bha, kò ka ka faan dɔ siè -kɔ -gban -kɔ -gban 'gü kò yi 'kpii- 'ö "dhü, 'ö dhang- dho "gü- 'ka 'ö pè -nu 'wo dhang- 'gü -a -nu -gban -wo -sɔng- 'ka -a peng 'bhü 'gü bha -yö -wo ka -bha kò ka- -bha zian -ta, "kɛɛ kò -yö -wo "vaandhö. ¹³ Kɛɛ 'kò 'zü "se waa- dhang- -nu =wa "gü -dhe -kɔ bha- 'dhö, Atanna -ya -dee "plüün bho -sü 'ka kwa -dhe. -A -dee 'ö "dhü bha -nè 'wɔn yaa 'yii 'dho kè mü. "Kɛɛ 'sa pè 'ö 'kwa "yan 'to siè- -gɔ 'yö bha.

¹⁴ Yö -nè- -wɔn 'gü, 'yö 'ka dho ka 'gü dɔ 'gbu-, "sanni yi 'ö bha- -wo -sü -zinng 'gü, kò 'ka kè 'slüüslü, kò pò 'a 'dho kè ka -bha -a wëédhö, kò 'wɔn 'bha -wɔn 'bha 'ya 'dho kè kɛng- -nu ka -zinng 'gü, n "taɔngdè -nu. ¹⁵ Zuè" 'ö kwa Dème 'dhö- kè siè ka "piü -sea ('ö 'yii nu -kò) bha -kaa 'sü -dhe "tüng 'ö- nu ka -dhe kò 'ka ka -dɪ baa- 'ka kò 'ka dha -nè- 'dhö, -dhe -kɔ 'ö kwa dheebhang -wɔngbusü Pɔdhö -ya -bɛn zè- 'ka ka -dhe "yaaki 'ö Atanna -ya nu- -dhe -a 'ka bha- 'dhö. ¹⁶ Pè 'ö- -bɛn zè 'sëédhe "pɛɛ 'ö- -kè, 'ö 'wɔn 'ö -gban kwa Dème nu -sü -bha -a -dhiang zè- 'gü -a -gban 'gü 'yö bha. -Wu 'bha -nu -wa -bha 'sëédhe -nu bha- 'gü 'ö- -nu 'gümadhe 'yaa -sè. -A -wu kpö -nu 'wo "dhü bha -nè 'mɛ 'waa 'wɔn -nu 'wo -gban Atanna -bha bha- 'gü ma, 'ö- -nu -gɛn 'yaa -gban -sü 'ka- -bha zian -ta bha 'wo- 'klɔɔ- -slèè- -ta -dhe -kɔ 'wo- -kè 'ka -zianwo -a -wu 'ö -bɛn zè -sü bha- 'bha -nu 'ka bha- 'dhö. "Kɛɛ -wo wo -dɪ -bha -wɔn -nè- see- siè bha.

¹⁷ Kɛɛ ka -zè, n dhɔɔbhaame -nu, 'ma yö -nè- pò ka -dhe bha. -Dhe 'ö "dhü, -ka ka -dɪ 'kun, kò 'ka 'dho -da 'mɛ =wa zian 'to bha- -nu "piü, 'ö 'ka -da kèwɔn yaa -nu bha- 'gü 'ö ka -dhɛng, 'ö ka "ta -kɔ -sè 'ö ka -kɔ =yaa- 'kun 'nu bha 'ka -kwaa- -zü. ¹⁸ Ka -zè ka -bha kwa Dème kwa Dhame Yesu Klisi dɔ -sü waa- -bha -gasite 'ö- -kè ka -dhe bha -ka "gla -nè- wo- 'gü -kpeawo kò 'ka 'dho- 'ka "dhiü. Kò yö -nè- 'tɔ -yö bho "tüng ya- 'gü kò -yö 'to- 'ka "dhü -kpeawo bha 'aa -yö kè.